

ხელშეკრულება №338 (7.826ch)
სახელმწიფო შესყიდვის შესახებ

2015 წლის 29 ივნისი

ქ.თბილისი

ერთი მხრივ, საქართველოს ეკონომიკისა და მდგრადი განვითარების სამინისტრო, წარმოდგენილი საფინანსო, სახელმწიფო შესყიდვებისა და ლოჯისტიკის დეპარტამენტის უფროსის ნინო მურჯიკნელის სახით (შემდგომში წოდებული, როგორც „შემსყიდველი“)

მისამართი: ქ. თბილისი, გ.ჭანტურიას ქუჩა №12, ტელეფონი 299-10-76, 299-10-01

საბანკო რეკვიზიტები: სახელმწიფო ხაზინა, კოდი TRESGE22, ა/ა №200122900, ს/კ 203840433

მეორე მხრივ, შპს „ჯორჯიან ეარვეისი“, წარმოდგენილი მისი გენერალური დირექტორის, იასე ზაუტაშვილის სახით, (შემდგომში წოდებული, როგორც „მიმწოდებელი“)

მისამართი: საქართველო, ქ. თბილისის სამგორის რაიონში, აეროპორტის დასახლება, N79;

საიდენტიფიკაციო კოდი: 208205360;

საბანკო რეკვიზიტები: სს „თიბისი ბანკი“, ბანკის კოდი: TBCBGE22; ანგარიშის ნომერი: GE 65 TB11 0000 0035 4679 49;

ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტით ვადასტურებთ, რომ გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საერთო პირობები

1.1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების საერთო პირობებში.

1.2. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ.

1.2.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.

1.2.3. „შემსყიდველი ორგანიზაცია“ (შემდგომში – „შემსყიდველი“) – ორგანიზაცია (დაწესებულება), რომელიც ახორციელებს შესყიდვას.

1.2.4. „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე აწვდის მომსახურებას მოცემული ხელშეკრულების ფარგლებში.

1.2.5. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.

1.2.6. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

მუხლი 2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი უზრუნველყოფს შემსყიდველისათვის თვითმფრინავით მომსახურებას თვითმფრინავის ეკიპაჟთან ერთად. (შემდგომში - შესყიდვის ობიექტი ან მომსახურება - CPV: 60424110 - თვითმფრინავის (უძრავი ფრთებით) დაქირავება ეკიპაჟთან ერთად).

2.2. გაფრენა Boeing-737 ტიპის თვითმფრინავით 2015 წლის 30 ივნისს თბილისი - ბათუმის მიმართულებით (გაფრენა 09:00 საათზე ადგილობრივი დროით) და იმავე დღეს ბათუმი-თბილისის მიმართულებით (გამოფრენა 16:30 საათზე ადგილობრივი დროით) შემსყიდველის 25 მგზავრის გადაყვანის მიზნით, ჩინეთის სახალხო რესპუბლიკის სინძიანის ავტონომიური რეგიონის თავმჯდომარის მოადგილის და მისი თანმხლები პირების ვიზიტთან დაკავშირებით.

2.3. საჰაერო ხომალდის უსაფრთხო ექსპლუატაციის ორგანიზაცია და კონტროლი, მისი ვარგისიანობის შენარჩუნება წარმოებს მიმწოდებლის მიერ საჰაერო ხომალდის რეგისტრაციის ქვეყნის წესების თანახმად.

2.4. ხელშეკრულების 2.2. პუნქტით განსაზღვრული რეისები შესრულდება მიმწოდებლის (ავიაკომპანიის) კოდით.

მუხლი 3. მხარეთა უფლებები და მოვალეობები

3.1. მიმწოდებელი ვალდებულია:

3.1.1. გაუწიოს შემსყიდველს წინამდებარე ხელშეკრულებით განსაზღვრული მომსახურება კეთილსინდისიერად და ჯეროვნად, დათქმულ დროს და ადგილას, წინამდებარე ხელშეკრულებისა და მისი დანართების პირობების შესაბამისად.



საქართველოს ეკონომიკისა და მდგრადი განვითარების სამინისტრო
სახელმწიფო შესყიდვების დეპარტამენტი
..... ი. ქლიბაძე
29 ივნისი 2015 წ.
6

- 3.1.2. იმ შემთხვევაში, თუ ხელშეკრულებით განსაზღვრული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი. მიმწოდებელი პასუხისმგებელია ხელშეკრულების 2.1. და 2.2. პუნქტებით განხორციელებული მომსახურებისა და გადასაცემი მგზავრების უსაფრთხოებაზე.
- 3.1.3. უზრუნველყოს წინამდებარე ხელშეკრულებით და მისი დანართებით გათვალისწინებული მომსახურების გაწევა საქართველოს კანონმდებლობის და აღნიშნულ სფეროში მოქმედი საერთაშორისო და შიდა საკანონმდებლო და კანონქვემდებარე აქტების დაცვით.
- 3.1.4. უზრუნველყოს უსაფრთხოების ზომების დაცვა მომსახურების გაწევის დროს;
- 3.1.5. მომსახურების გაწევის პროცესი უზრუნველყოს შესაბამისი რესურსით (მათ შორის ადამიანური რესურსით, მექანიზმებით, მოწყობილობებით და მასალით) ხელშეკრულების 2.3. პუნქტის შესაბამისად. აღნიშნული ვალდებულების დარღვევის შემთხვევაში, მიმწოდებელმა უნდა უზრუნველყოს შემსყიდველის წერილობითი შეტყობინებით დადგენილ ვადებში მდგომარეობის გამოსწორება;
- 3.1.6. დადოს ხელშეკრულება/ხელშეკრულებები ქვეკონტრაქტორებთან, შრომითი და სხვა სახის ხელშეკრულებები თავისი სახელით, წინამდებარე ხელშეკრულებით ნაკისრი ვალდებულებების შესრულების მიზნით; მიმწოდებელი ვალდებულია სრულად დაიცვას ინფორმაციის კონფიდენციალურობის ვალდებულება ამგვარი სახელშეკრულებო ურთიერთობისას, წინააღმდეგ შემთხვევაში, კონფიდენციალურობის ვალდებულების დარღვევისათვის პასუხს აგებს მიმწოდებელი ამ ხელშეკრულებისა და საქართველოს კანონმდებლობით დადგენილი წესით. ამგვარ სახელშეკრულებო ურთიერთობებში მიმწოდებელი მონაწილეობს თავისი სახელით და დაუშვებელია მისგან გამომდინარე ან/და მასთან დაკავშირებით პასუხისმგებლობის დაკისრება შემსყიდველისათვის;
- 3.1.7. უზრუნველყოს მომსახურების გაწევა ხელშეკრულებით განსაზღვრულ დროსა და ადგილზე ან/და შემსყიდველის უფლებამოსლი წარმომადგენლის მიერ წერილობითი თუ ზეპირი მითითებების შესაბამისად;
- 3.1.8. საკუთარი რესურსითა და ხარჯით აღმოფხვრას ხარვეზი, რომელიც გამოვლინდება მომსახურების გაწევისას თუ თანმდევი მომსახურების გაწევისას. ხარვეზის აღმოფხვრისათვის შემსყიდველი მიმწოდებელს განუსაზღვრავს გონივრულ ვადას. აღნიშნული ვადის გასვლის შემდგომ შემსყიდველი უფლებამოსილია თავად გამოასწოროს ხარვეზი (ნაკლი). ხარვეზის აღმოფხვრისას შემსყიდველის მიერ გაწეული ხარჯი გამოიქვითება მიმწოდებლისათვის ასანაზღაურებელი თანხიდან. იმ შემთხვევაში, თუ ხარვეზის (ნაკლის) აღმოფხვრა შეუძლებელია ან დაკავშირებულია დიდ ძალისხმევასთან და შეუსაბამოდ ხანგრძლივ ვადებთან, შემსყიდველი უფლებამოსილია აღნიშნული ხარვეზის (ნაკლის) მქონე საქონლის ან/და მომსახურების ღირებულება გამოქვითოს მიმწოდებლისათვის ასანაზღაურებელი თანხიდან და მოითხოვოს ხელშეკრულების შეწყვეტა;
- 3.1.9. დაუყოვნებლივ აცნობოს შემსყიდველს წინამდებარე ხელშეკრულებით ნაკისრი ვალდებულებების შესრულების შეუძლებლობის ან შესრულების სავარაუდო დაგვიანების თაობაზე;
- 3.1.10. ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- 3.1.11. არ გაამჟღავნოს, არ გადასცეს მესამე პირს ან სხვა სახით არ დაუშვას წინამდებარე სახელშეკრულებო ურთიერთობის საფუძველზე შემსყიდველისა და აღნიშნული ხელშეკრულების შესახებ ან/და მისგან გამომდინარე მისთვის გადაცემული ნებისმიერი ინფორმაცია, მიუხედავად ინფორმაციის წერილობითი თუ ზეპირი ფორმისა. აღნიშნული ინფორმაციის კონფიდენციალურობის დაცვის ვალდებულება ვრცელდება ასევე ნებისმიერ პირზე, რომელიც მიმწოდებლის მხრიდან მონაწილეობას იღებს წინამდებარე ხელშეკრულებით ნაკისრი ვალდებულებების შესრულებაში. ინფორმაციის კონფიდენციალურობის დაცვის ვალდებულება ძალაში შედის ხელშეკრულებაზე ხელის მოწერისთანავე და მოქმედებს იქამდე, ვიდრე შემსყიდველი მისი გაუქმების თაობაზე არ გამოხატავს წერილობით თანხმობას. მიმწოდებლის ან/და ამ პუნქტით განსაზღვრული ნებისმიერი პირის მიერ ამ ვალდებულების დარღვევის შემთხვევაში, მიმწოდებელი პასუხს აგებს ამ ხელშეკრულებითა და საქართველოს კანონმდებლობით დადგენილი წესით.
- 3.1.12. შემსყიდველის მოთხოვნისთანავე, ნებისმიერ დროს მიაწოდოს ინფორმაცია ვალდებულებათა შესრულების მიმდინარეობის შესახებ;
- 3.1.13. მომსახურების გაწევასთან დაკავშირებით, საჭიროების შემთხვევაში, უზრუნველყოს ყველა შესაბამისი ნებართვის ან/და თანხმობის მიღება ადმინისტრაციული ორგანოებისგან და სხვა უფლებამოსილი პირის/ორგანიზაციის/დაწესებულებისგან, აიღოს ნებართვა დადგენილი მარშრუტებით რეისების შესრულებაზე, ასევე განახორციელოს სხვა ურთიერთობები კომპეტენტურ ორგანოებთან და შეასრულოს ფრენებთან დაკავშირებულ ყველა ფორმალობა.
- 3.1.14. გამოყოს ტექნიკურად გამართული საჰაერო ხომალდი მის მფლობელობაში/საკუთრებაში არსებული თვითმფრინავების პარკიდან.



გეორგიან აეროლაინს
 შტაბ-ბინა
 ა. ქობაძე
 29 ივლისი 2015 წ.
 6

3.1.15. უზრუნველყოს კანონმდებლობის შესაბამისად მგზავრებისა და მესამე პირების წინაშე სამოქალაქო პასუხისმგებლობის დაზღვევა, რომელიც შეიძლება გამომდინარეობდეს საჰაერო ხომალდის ექსპლუატაციიდან (სადაზღვევო პოლისების ასლები იმყოფება საჰაერო ხომალდის ბორტზე).

3.1.16. უზრუნველყოფ ფრენების განმავლობაში მგზავრთა კვების მომსახურება.

3.2. მიმწოდებელი უფლებამოსილია:

3.2.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

3.2.2. მოსთხოვოს შემსყიდველს ინფორმაციის მიწოდება, რომელიც აუცილებელია მომსახურების სრულად და ჯეროვნად ჩატარებისათვის.

3.2.3. უარი განაცხადოს რეისების შესრულებაზე ან დროებით გადადოს ფრენ(ებ)ა:

ა) თუ რეისების შესრულებამდე შესაბამისი საავიაციო უფლებამოსილი ორგანოების მიერ არ იქნა გაცემული შესაბამისი ნებართვები რეისების შესრულებაზე.

ბ) ფრენის უსაფრთხოების უზრუნველყოფის მიზნით;

გ) აფრენა-დაფრენის და გადაფრენის ქვეყნების ინსტრუქციების, სამთავრობო წესების, ბრძანებების და შესაბამისი კანონმდებლობის დარღვევის თავიდან აცილების მიზნით;

დ) მგზავრთა პირადი დოკუმენტაციის არასწორი გაფორმების შემთხვევაში;

ე) მგზავრთა მიერ ავიაკომპანიის მიერ დადგენილი წესების და ინსტრუქციების შესრულებაზე უარის თქმის შემთხვევაში.

3.3. შემსყიდველი ვალდებულია:

3.3.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

3.3.2. უზრუნველყოს შესყიდვის ობიექტის მიღება.

3.3.3. წარუდგინოს მიმწოდებელს მგზავრთა სია და მიაწოდოს მგზავრებს ინფორმაცია რეისების გაფრენის დროისა და საერთაშორისო საჰაერო გადაზიდვების წესების შესახებ რეისებზე.

3.3.4. არ დაუშვას თვითმფრინავის სალონში გაბარიტული ბარგის გადატანა;

3.4. შემსყიდველი უფლებამოსილია:

3.4.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

3.4.2. მისცეს დეტალური მითითებები მიმწოდებელს ცერემონიის დაგეგმარებისა თუ მისი მიმდინარეობის განმავლობაში, მითითებებისა და ინსტრუქციების მიცემა დასაშვებია როგორც წერილობითი (მათ შორის მოკლე ტექსტური შეტყობინება, ელ. ფოსტა), ისე ზეპირი ფორმით. შესყიდველის წარმომადგენლის მიერ გაკეთებული მითითება და ინსტრუქცია სავალდებულოა შესასრულებლად მიმწოდებლისა და მისი თანამშრომლებისათვის (მათ შორის დაქირავებულები, ქვეკონტრაქტორები).

3.4.3. თავისი შეხედულებისამებრ შეადგინოს და მიაწოდოს მიმწოდებელს მგზავრთა სია შესაბამის რეისებზე.

3.5. შემსყიდველის ინიციატივით/მიზეზით რეისების დაგვიანების შემთხვევაში მიმწოდებელი სრულად იხსნის პასუხისმგებლობას დამკვეთის მგზავრების მიერ რაიმე პრეტენზიის წარმოქმნისას.

მუხლი 4. ხელშეკრულების ღირებულება

4.1. ხელშეკრულების მეორე მუხლით გათვალისწინებული მომსახურების ჯამური ღირებულება შეადგენს **11500 (თერთმეტი ათას ხუთასი) აშშ დოლარი** ექვივალენტური თანხა ლარში **დღგ-ს ჩათვლით**, გადახდის დღეს საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად, საქართველოს ეკონომიკისა და მდგრადი განვითარების სამინისტროს 2015 წლის სახელმწიფო ბიუჯეტით დამტკიცებული ასიგნებების ფარგლებში.

4.2. ხელშეკრულების ღირებულება მოიცავს მიმწოდებლის მიერ გასაწევ ყველა ხარჯს, მათ შორის თვითმფრინავის ეკიპაჟის ხელფასებს, საწვავისა და კვების მომსახურების ღირებულებას, შესაბამისი მოსაკრებლებსა და გადასახადებს და მომსახურების გაწევისათვის საჭირო ყველა ხარჯს, რომელიც პირდაპირ არ არის გათვალისწინებული ამ ხელშეკრულებაში.

მუხლი 5. ანგარიშსწორების წესი


5.1 გაწეული მომსახურების ანაზღაურება განხორციელდება წინამდებარე ხელშეკრულების 6.2 პუნქტით გათვალისწინებული დოკუმენტაციის წარმოდგენიდან 7 (შვიდი) სამუშაო დღის განმავლობაში.

5.2 ანგარიშსწორების ვალუტა: ლარი;

5.3 ანგარიშსწორების ფორმა: უნაღდო.

მუხლი 6. მომსახურების გაწევის წესი, ვადები და მიღება-ჩაბარების წესი

6.1. ხელშეკრულებაში განსაზღვრული პირობების შესაბამისად:



- 6.1.1. ხელშეკრულების 2.1. პუნქტით განსაზღვრული მომსახურების გაწევა უნდა განხორციელდეს 2015 წლის 30 ივნისს, ხელშეკრულების 2.2 პუნქტის შესაბამისად.
- 6.2. მიმწოდებელი ვალდებულია შემსყიდველის მხრიდან მოთხოვნილი გაწეული მომსახურების დადასტურების და ანაზღაურების მიღების მიზნით შემსყიდველს წარმოუდგინოს შესაბამისი ფინანსური დოკუმენტაცია. ანგარიშსწორების სავალდებულო წინაპირობა მიღება-ჩაბარების აქტთან ერთად არის ანგარიშ-ფაქტურა (თუ არ არის დღგ-ს გადამხდელი წარმოადგინოს ცნობა).
- 6.3. შესყიდვის ობიექტი ჩაითვლება მიღებულად მას შემდეგ, რაც მხარეებს შორის გაფორმდება შესაბამისი მიღება-ჩაბარების აქტი, 6.2. პუნქტით განსაზღვრული დოკუმენტების საფუძველზე.
- 6.4 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება პროტოკოლის სამსახურის უფროსს ნოდარ აბესაძეს.

მუხლი 7. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2015 წლის 30 ივლისის ჩათვლით.

მუხლი 8. ხელშეკრულების პირობების შესრულების კონტროლი

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ხელშეკრულების პირობების შესრულების კონტროლს განახორციელებს პროტოკოლის სამსახურის უფროსი ნოდარ აბესაძე.

მუხლი 9. ხელშეკრულების შეწყვეტა

- 9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში. ასეთ შემთხვევაში შემსყიდველს აუნაზღაურდება ფაქტობრივად (უნაკლო) გაწეული მომსახურების ღირებულება, რომელთან დაკავშირებითაც შემსყიდველს არ აქვს პრეტენზია, ხოლო შეუსრულებელი ან არაჯეროვნად შესრულებული სამუშაოს ღირებულება დაუბრუნდება შემსყიდველს.
- 9.2 შემსყიდველი უფლებამოსილია შეწყვიტოს ხელშეკრულება მიმწოდებლისათვის წერილობითი შეტყობინების გაგზავნის საფუძველზე, თუ:
- ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - ბ) შემსყიდველისათვის ცნობილი გახდა, რომ მიმწოდებლისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) საქართველოს კანონმდებლობით გათვალისწინებულ სხვა შემთხვევებში.
- 9.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 9.4. ხელშეკრულება შესაძლებელია შეწყდეს მხარეთა ურთიერთშეთანხმების საფუძველზე.

მუხლი 10. მხარეთა პასუხისმგებლობა

- 10.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.
- 10.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 1%-ის ოდენობით ყოველ შეუსრულებელ ვალდებულებაზე, ვადაგადაცილებაზე და წინამდებარე ხელშეკრულებით განსაზღვრული ვალდებულებების არასრულ შესრულებაზე.
- 10.3. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 10.4. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით, საქართველოს კანონმდებლობის შესაბამისად.



საქართველოს ავიაციის სააგენტოს უფროსი აკონტინგენტი
 29 ივლისი 2015 წ.
 ნოდარ აბესაძე

10.5. მიმწოდებელი პასუხისმგებელია მგზავრთა და გადასახიდი ტვირთის (ბარგის) უსაფრთხო გადაყვანაზე, წინააღმდეგ შემთხვევაში სრული პასუხისმგებლობა შემსყიდველის, მგზავრებისა და მესამე პირების წინაშე ეკისრება მიმწოდებელს.

მუხლი 11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, სახელმწიფო გადატრიალება და სხვ.).

11.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 12. ხელშეკრულების პირობების გადასინჯვის წესი

12.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

12.2 ამ ხელშეკრულების 12.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

12.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 12.1, 12.2. და 12.3. პუნქტებით განსაზღვრული შემთხვევებისა

12.5. წინამდებარე ხელშეკრულების 12.1, 12.2. და 12.3. პუნქტებით განსაზღვრული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 13. ხელშეკრულებაში ცვლილებებისა და დამატებების შეტანის წესი

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი უფლებამოსილია ამის შესახებ წერილობით შეატყობინოს მეორე მხარეს.

13.2 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით, მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

მუხლი 14. ხელშეკრულების შესრულების შეფერხება


14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის (წერილობითი შეთანხმების) გზით.

მუხლი 15. კონფიდენციალურობის დაცვის ვალდებულება

15.1. მხარეები თანხმდებიან მასზედ, რომ თანამშრომლობის პროცესში მათთვის შესაძლოა ხელმისაწვდომი გახდეს პერსონალური და კონფიდენციალური ინფორმაცია ზეპირად, წერილობით ან გამოსახულებით. აქედან გამომდინარე შემსყიდველი და მიმწოდებელი თანხმდებიან შემდეგზე:

15.1.1. ყოველგვარი პერსონალური ინფორმაციის („პერსონალურ მონაცემთა დაცვის შესახებ“ საქართველოს კანონის შესაბამისად) კონფიდენციალურობა მკაცრად იქნება დაცული და არ გამჟღავნდება პირდაპირი, ან არაპირდაპირი გზით



მესამე პირზე. ამასთან, არ მოხდება ინფორმაციის გამოყენება ინფორმაციის გამცემი მხარის წინასწარ წერილობითი თანხმობის გარეშე, გარდა წინამდებარე ხელშეკრულებაში გათვალისწინებული მიზნებისა.

15.1.2. კონფიდენციალურობის დაცვის პირობების განზრახ დარღვევის შემთხვევაში, ბრალეული მხარე პასუხს აგებს მეორე მხარისათვის მიყენებულ ყველა სახის ზიანზე, ფინანსური ზარალის ჩათვლით.

15.2. მხარეები თანხმდებიან მასზედ, რომ ხელშეკრულების მოქმედების დროს მათთვის ცნობილი შიდა/პერსონალური ინფორმაცია წარმოადგენს კონფიდენციალურ ინფორმაციას ხელშეკრულების შეწყვეტის შემდეგაც.

მუხლი 16. სადავო საკითხების გადაწყვეტა

16.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.

16.2. მხარეებს, სადავო საკითხის, შეთანხმების გზით მოგვარების შეუძლებლობის შემთხვევაში, კანონმდებლობით დადგენილი წესით, შეუძლიათ მიმართონ საქართველოს სასამართლოს.

მუხლი 17. ხელშეკრულების ენა

17.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

მუხლი 18. განსაკუთრებული პირობები

18.1. ხელშეკრულება შედგენილია 2 ეგზემპლარად და თითოეულ მათგანს აქვს თანაბარი იურიდიული ძალა.

18.2. ხელშეკრულების ერთი ეგზემპლარი ინახება „მიმწოდებელთან“, ერთი ეგზემპლარი – „შემსყიდველთან“.

18.3. ყველა დანართი, რომელიც თან ერთვის წინამდებარე ხელშეკრულებას წარმოადგენს მის განუყოფელ ნაწილს და განიხილება ხელშეკრულებასთან ერთად. იმ შემთხვევაში, თუ წარმოიშობა რამე სახის წინააღმდეგობა ხელშეკრულებასა და მის დანართებს შორის უპირატესობა ენიჭება ხელშეკრულებაში მოცემულ პირობებს.

მხარეთა რეკვიზიტები:

შემსყიდველი:
საქართველოს ეკონომიკისა და მდგრადი
განვითარების სამინისტრო

მიმწოდებელი:
შპს „ჯორჯიან ეარვეისი“

ნ. მონციანი
საფინანსო, სახელმწიფო შესყიდვებისა და
ლოჯისტიკის დეპარტამენტის უფროსი
ნინო მურჯიკნელი



[Handwritten signature]
იასე ზაუტაშვილი



გენერალური დირექტორი

საქართველოს ეკონომიკისა და მდგრადი განვითარების სამინისტრო
საფინანსო, სახელმწიფო შესყიდვებისა და
ლოჯისტიკის დეპარტამენტის უფროსი
29 ა. მონციანი
29 ივნისი 2015 წ.
6